

Na osnovu Programa o vrstama , kriterijima i načinu raspodjele novčanih sredstava iz Granta za razvoj poljoprivrede u Gradu Cazin br: 01/GN-20-4301/21 od 06.04.2021. god., Pravilnika o utvrđivanju uslova, kriterija i postupka za ostvarivanje prava na subvencioniranje nabavke plastenika, a u cilju nabavke 20 plastenika, na području grada Cazina, Gradonačelnik raspisuje:

## **JAVNI POZIV za podnošenje zahtjeva za subvencioniranje nabavke plastenika**

Grad Cazin raspisuje Javni poziv za podnošenje zahtjeva za **subvencioniranje nabavke plastenika**. Svakom korisniku subvencionira se 40% od strane grada Cazina i 40% od strane IFAD-a od ukupne vrijednosti plastenika a sve u cilju proširenja proizvodnje voća i povrća u zatvorenom prostoru.

Nabavka plastenika subvencionirat će se najviše za 20 korisnika.

### **I PRAVO UČEŠĆA**

Pravo na učešće u Projektu imaju prioritete kategorije stanovništva - nezaposlene osobe ili osobe sa minimalnim primanjima sa područja grada Cazina a koji su upisani u RPG i RK.

Pravo na dodjelu plastenika nemaju lica koja su dobila ovakvu ili sličnu donaciju iz oblasti poljoprivrede od Općine/Grada, nadležnih ministarstava, humanitarnih i drugih organizacija u posljednje 3 godine.

### **II USLOVI**

Podnosilac zahtjeva treba da ispunjava slijedeće opće i posebne uslove:

#### **1. OPĆI USLOVI:**

- Da je nezaposlena osoba ili osoba sa minimalnim primanjima,
- Da je upisan u Registar poljoprivrednih gazdinstava ili Registar klijenata u nadležnoj Gradskoj službi,
- Da sufinansira 20% od nabavne cijene plastenika

#### **2. POSEBNI USLOVI:**

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- samohrani roditelji
- socijalni aspekt ( imovno stanje, opći dojam i sl.)

Kada kandidati pri bodovanju imaju isti broj bodova, prednost će imati žene, demobilisani borci, članovi porodice šehida, i poginulih boraca, i RVI.

Podnosioci zahtjeva trebaju priložiti sljedeću dokumentaciju:

1. Prijavni obrazac-zahtjev
2. Ovjereni kućna lista,
3. Dokaz o nezaposlenosti kandidata izdat od nadležnog Biroa za zapošljavanje ili uvjerenje Porezne uprave
4. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji Uvjerenje Porezne uprave,
5. Potvrde iz škole/fakulteta ili kopija đачke knjižice/indeksa za djecu/izdržavane članove domaćinstva (za djecu predškolskog uzrasta priložiti rodni list)
6. Uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdana od banke),
7. Potvrda o upisu u RPG ili RK
8. Ovjereni izjava:
  - da će korisnik poticaja platenik zadržati najmanje 3 godine od dana potpisivanja Ugovora,
  - da podnosilac zahtjeva ili član zajedničkog domaćinstva u posljednje 3 godine nije dobio ovakvu ili sličnu donaciju iz oblasti poljoprivrede od Općine/Grada, nadležnih ministarstava, humanitarnih i drugih organizacija
  - da će sufinancirati sa 20% od nabavne cijene platenika
9. U slučaju da je samohrani roditelj dostaviti dokaz (smrtni list ili dokaz o razvodu),
10. U slučaju da u svome domaćinstvu ima dijete sa invaliditetom (potrebna dokumentacija).
11. U slučaju da je podnosilac zahtjeva pripadnik jedne od boračkih kategorija (demobilisani borac, član porodice šehida i poginulih boraca i RVI),..

### III PROCEDURA ODABIRA KORISNIKA

Postupak po Javnom pozivu zahtjeva za dodjelu platenika provest će Komisija koju je imenovao Gradonačelnik,

Komisija će izvršiti pregled prispjelih prijava, evidentiranje kandidata koji ispunjavaju uslove iz Javnog poziva, sačinjavanje liste krajnjih korisnika na osnovu utvrđenih kriterija za bodovanje te istu dostaviti Službi za poljoprivredu.

Rang lista odabranih kandidata će biti objavljena na oglasnoj ploči Grada i službenoj web stranici.

#### NAPOMENA:

Kandidati koji ostvare pravo na subvencioniranje nabavke platenika obavezni su prisustvovati edukaciji.

Obrasci zahtjeva za prijavu mogu se preuzeti na info pultu **Grada Cazina ili službenoj web stranici Grada**, zajedno sa dokumentacijom predati u zatvorenoj koverti na protokol Grada Cazina sa naznakom „Za javni poziv za sufinansiranje nabavke platenika“, a rok za podnošenje zahtjeva je 12 kalendarskih dana, od dana objavljivanja javnog poziva na **web stranici Grada Cazina**.

Sve dodatne informacije mogu se dobiti u Službi za poljoprivredu Grada Cazina svakim radnim danom od 09,00-13,00 sati na kontakt telefon: 037/515-351 i 037/515-306

Nepotpuna, neuredna, netačna i neblagovremena dokumentacija neće se uzimati u razmatranje.

Javni poziv ostaje otvoren do 10.08.2021.godine

